



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Ne episcopi per symoniacam hæresim regiminis locum obtineant. xxi.

**urn:nbn:de:hbz:466:1-10722**

ris fastigium fuerint instituti, contra patrum decreta, hu *pæ Gal-*  
 ius usurpatione, qui se hoc recognoscit fecisse didicimus, *liarū Epi*  
 cū ad episcopatum his gradibus quibus frequentissimè *scopis m/s*  
 cautū est, debeat perueniri, vt minoribus initiari officiis, *sis, ca. 16*  
 ad maiora firmentur. Debet enim antea esse discipulus,  
 quisquis doctor esse desiderat, vt possit docere quod didi-  
 cit. Omnis vitæ institutio, hac ad id quo tendit se ratione  
 confirmat. Qui minimè literis operam dederit, præceptor  
 non potest esse literarum. Qui non per singula stipendia  
 creuerit, ad meritum stipēdii ordinem non potest perue-  
 nire. Solum sacerdotium inter ista rogo vilius est, quòd fa-  
 cilius tribuitur, cū difficilius impleatur?

*Vt laicam communionem non accipiat, qui per ambitionem  
 episcopatum acceperit. Cap. XIX.*

**O** SIVS episcopus dixit: Etiam si talis aliquis extite *Ex cōcil.*  
 rit temerarius, vt fortassis talem excusationem ad- *Sardicē-*  
 ferens asseueret, quòd literas populi acceperit, cū ma- *si, cap. 2.*  
 nifestum sit potuisse plures præmio & mercede corrumpi  
 eorum qui synceram fidem non habent, vt clamarent in  
 ecclesia, & ipsum petere viderentur episcopum, omnino  
 has fraudes damnandas esse arbitror, ita vt nec laicam in  
 fine communionem talis accipiat. Si vobis omnibus pla-  
 cet, statuite. Synodus respondit placet.

*Quòd episcopus esse non possit, qui nesciente metro-  
 politano consecratus fuerit. Cap. XX.*

**I**LLVD autē ante omnia claret, quòd eū qui sine con- *Ex cōcil.*  
 scientia metropolitani cōstitutus fuerit episcopus, iu- *Arala-*  
 xta magnam synodum esse episcopum non debere. *tenſi, cap.*  
*6.*

*Ne Episcopi per symoniacam hæresim, regimi-  
 nis locum obtineant. Cap. XXI.*

**C**AUENDUM & summo opere præcauendū ac per virtutē *Ex cōcil.*  
 Christi sanguinis interdendum episcopis & regi- *Medensi,*  
 bus, & omnibus sublimioribus potestatibus, atque cunctis *cap. 43.*  
 fautoribus & electoribus quorumcunque, atque consensu  
 ribus, seu ordinatoribus in gradu ecclesiastico, vt nemo  
 per symoniacā hæresim, regiminis locū obtineat quacū-  
 que factione, calliditate, promissioe, seu cōmoditate: aut

dationem per se, aut per emissam personam, cum spiritus sanctus inter cetera documenta per os dicat Gregorii: Cur non perperdit, quia benedictio illi in maledictionem conuertitur? Et alibi: Dolens, inquit, dico, gemens denuncio, quia sacerdotium quod apud vos intus cecidit, foris diu stare non poterit.

*De his qui precio sacram mercati sunt dignitate. Ca. XXII.*

*Ex episto  
la Gelasii  
pape, ca.  
5.*

**Q**VOS constiterit indignos meritis, sacram mercatos esse precio dignitatem, conuictos oportet arceri, quia dantem pariter, accipientemque damnatio Symonis, quam sacra lectio testatur, inuoluit.

*De eadem re.*

*Cap. XXIII.*

*Ex epist.  
Oricuf-  
de pape,  
cap. 10.*

**H**OC itaque ad priora coniungimus, ne benedictio per impositionem manus, quae a Deo esse creditur, precio comparetur, quia Symon spiritum sanctum volens precio mercari, apostoli fuit detestatione percussus.

*Quod non oporteat ordinationes Episcoporum  
diu differri. Cap. XXIIII.*

*Cap. 25.  
Chalced.*

**Q**Voniam quidam metropolitanorum, quantum comperimus, negligunt commissos sibi greges, & ordinationes Episcoporum facere differunt, placuit sanctae synodo intra tres menses ordinationes Episcoporum celebrari, nisi forte necessitas inexcusabilis praepararet tempus dilationis extendi: quod si hoc minime fecerit, correptioni ecclesiasticae subiacebit. Veruntamen redditus Ecclesiae viduatae penes aconomum eiusdem Ecclesiae integri referuentur.

*De ordinationibus Episcoporum diu minime differendis. Ca. XXV.*

*Ex decr.  
Damasi  
pape, ca.  
2.*

**Q**Voniam quidam metropolitanorum fidem suam secundum priscam consuetudinem sanctae sedi apostolicae exponere detrectantes, usum pallii, neque expetunt, neque percipiunt, ac per hoc Episcoporum consecratio viduatis Ecclesiis non sine periculo protelatur, placuit ut quisquis metropolitanus, ultra tres menses consecrationis suae ad fidem suam exponendam, palliumque suscipiendum, ad apostolicam sedem non miserit, com-